

Date – 18/06/2025

Time - 7:30 -7:40Hrs

AKASHVANI AIZAWL

REGIONAL NEWS BULLETIN

HEADLINES (MORNING)

1. District tin atanga Best Horticulture Farmer thlannaah District ti tha berah Champhai leh Saitual District thlan an ni.
2. Mizoram Merchant Assn leh Sihhmui VC te, YMA te, MHIP te leh MUP ten rel lo lut tur thlirin, hmalakna tur hrang hrang resolution siamin an pass.
3. Aspirational Block a Lungsen RD Block puan a nih hnuah hriselna lama tanlak na turin nimin khan Project Bloom hawn a ni.
4. Tun thla, June ni 21-a International Day of Yoga hman tur atan Mizoram a inbuatsaih mek.

<><><>

HORTI AWARD

Horticulture Fair pualin District tin atanga Best Horticulture Farmer thlanchhuah te hnenah lawmman hlan a ni a, kumin atana District ti tha berah Champhai leh Saitual District thlan an ni.

District tin atanga Best Horticulture Farmer hi kum tin thlan chhuah thin a ni a, Horticulture tangkai taka hman leh hmasawna nei thate thlan thin an ni a. Lawmman dawngtute hnenah hian chawimawina thuziak leh sum fai pek a nih bakah, Selco Foundation chuan Solar Sprayer a pe theuh a, state dangah an hmalakna hrang hrang a tlawh kual pui bawh dawn a ni.

Kumin atang hian District hrang hranga Horticulture Department a thawkten inelna thianghlim an neih theih nan Best Performing Horticulture District Award siam thar a ni a. He lawmman hi Champhai leh Saitual District chuan an dawng a ni.

Best Performing Horticulture District Award thlang tur hian Directorate-ah Technical Selection Committee mumal tak siam niin tehfung hrang hrang hmangin uluk taka thlan chhuah a ni a. Best Performing Horticulture District lawmman atan cheng sing thum leh citation hlan a ni a. Selco Foundation chuan leitha leh thlai rannung leh natna venna kahna turin a mamawhte hman theih turin hmanraw tha an tum sak bawh a ni.

(Corr : Maremi)

<><><>

HORTI FAIR 2025

Horticulture Fair 2025 chu nimin khan Aijal Club Park-ah Horticulture Minister Pu C. Lalsawivunga'n a hawng.

Horticulture Minister Pu C. Lalsawivunga chuan Horticulture Fair chu thlai chingtute leh a zuar thinte tan "Buyers & Sellers Meet" lian tak a nih chhoh mek avangin tun aia nasa zawka tan la a, midangte tihhmuhtu ni turin a chah a. Horticulture Fair kaltlanga hmasawna hmuh theih atangIn hmasawn zel dan turah rilru seng a, enge an siamchhuah ve theih tih te ngaihtuah turin a chah a. Horti Fair chu nakum Fur ruahtui tla in harsatna a siam hma May thla tawp lamah buatsaih ni se Zokhaw lam atang pawhin tel an tam theih a beisei tih a sawi a. Kalkhawm an thiltih hlawhtlinpui tuma theihtawp chhuah turin a fuih a ni.

Kumin hi Horticulture Fair a stall phochhuah tam ber tum a ni a, Pangpar dawr - 128, Thei tiak zawrhna - 60, Leitha leh thlai chinna hmanrua zawrhna - 11, Pot zawrhna- 6 awmin a vaiin dawr 205 pho chhuah a ni.

Horticulture Department chuan Mizoram a thei leh thlai chi hrang hrang chingtute, pangpar chingtute leh a zuar thinte, thei leh thlai atanga ei tur vawn that theih siam lama tui mite pualin kum 2012 atang khan kum tin fur ruahtui tlak tan hun, thei leh thai chi hrang hrang phun hun mil ber turin May thla tawpah emaw, June thla tirah Horticulture Fair chu Mizoram khawpui ber Aizawlah a lo buatsaih thin a. Kum 2020 leh 2021-ah erawh chuan Covid-19 hri leng vangin buatsaih a ni lo thung a. Kum 2012 atanga 2024 thlenga stall neituten an hralh chuah tawh zat chu Cheng nuai 346, sing 3, 607 a ni.

(Corr: Maremi)

<><><>

MIMA

Mizoram Merchant Assn leh Sihhmui VC te, YMA te, MHIP te leh MUP ten rel lo lut tur thlirin, hmalakna tur hrang hrang resolution siamin an pass.

Nimin khan heng pawl hrang hrangte hian Sihhmui VCP Inah Joint meeting neih a ni a. Hetah hian tun maia Sairang Rel station, Sihhmuia rel lo lut mai tur chu engtianga lo dawnstown chi nge ni ang tih sawihoin, Mizo hnam himna kawngte an sawiho a. Sihhmui VC leh all NGO te hma lo lak tawh dan te ngaihthlak a niin an hmalakna leh lo inpuahchah tawh dan report te ngaihthlak a ni a. An hma lo lak tawhna bawhzuina ni pahfawmin Joint meeting chuan resolution an siam a, an resolution ah chuan ILP check point/gate Bairabi a awm hi changtlung zawk, felfai leh khauh taka enkawl ni se. Sairang Sihhmui Rail Stationah pawh hian ILP check point siam a, fel fai leh khauh taka enkawl ni rawh se an ti a,

In hmun lo ram, hnamdang hnenah hralh loh ni se, Sihhmui ram chhunga hmun hran atanga ram nei te pawhin hnamdang hnenah hralh loh ni se an tih bakah Mizo hming hawha hnamdang sumdawn/dawrkai awm phal loh ni rawh se an ti bawh a, Mutria ten rate mumal leh fel zawka hna an thawh theih nan sorkarah hma lak ni rawh se, an ti a ni.

(DIPR)

<><><>

PM KISSAN

Lunglei Dist Agriculture depts. Dist chhungah PM Kissan hnuaiah loneitu inziaklut 21404 an awm mek a, heng zingah hian mi 18553 chu thil engkim tifel a, pawisa dawng thei tur chiangsa chu mi 15560 an ni.

Hemi khawih leh buaipuitu Technical Assistant Pi Lalruatpuii chuan he hamthatna dawngtu te hian kum 1 ah vawi thum Rs 2000 zelin an account ah a lut tih sawiin kumin February thla khan an dawng tawh a, June thla leh October velah dawng leh tur a ngaih an ni a ti.PM kisan hi sorkar hnathawk awmna chhungkua in an dawng thei lo a ni.

Soil Health Card pawh kum 2024-2025 chhung in soil test tur target 2770 siamin Block 4: Bungmun,Lunglei,Lungsen leh Tlabungah hmun 2771ah soil test a ni a ti. Kum 2025-2026 ah target 3000

<><><>

PROJECT BLOOM

Aspirational Block a Lungsen RD Block puan a nih hnuah hriselna lama tanlak na turin nimin khan Project Bloom hawn a ni,

He hun hmanpuitu Lunglei DC Navneet Maan chuan thusawiin, Project BLOOM chu nu, naupang, leh chhungkaw tin enkawlna tura thutiam a ni a ti a, "Nu leh naupang hriselna lama harsatna an tawhte chinfel theih a nih a beisei a ti a, department hrang hrang leh khawtlang nena thawhhona tha tak nei tura kohna a ni" a ti bawh.

Lungsen PHC a hun hmanah hian nau nei tur te lo awm hahchawlhna tur atana Maternity Waiting room petu mi 5 hnenah thilpek pek an nih bakah, Raipuar 5 te hnenah nau an neih huna hman tangkai tur pek an ni bawh.

Inkhawm zawh ah Lungsen PHC huam chhunga raipuar, Lungsen PHC a nau nei turte hruaina tura NHIDCL in CSR hmanga an pek motor vailiam a ni bawh.

Project Bloom hawnnaah hian Lunglei atanga Doctor rual kal te chuan a thlawna inentirna an buatsaih nghal a, Lungsen leh a chhehvel khua atangin damlo thahnem tak an in entir a, damdawi a thlawna sem a ni bawh.

(Thanghmingliana Lunglei PTC)

<><><>

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Wawiin chawhnu dar 2 leh a chanve-ah Chanchinthar puan leh a ni ang.

<><><>

INTNL DAY OF YOGA

Tun thla, June ni 21-a International Day of Yoga, IDY lo thleng tur atan Mizoram a inbuatsaih mek a, Hari Yoga pualin hmun hrang hrangah thingphun a ni a, Yoga Sangam pualin RG Stadium, Mualpuiah hun hman a ni dawn bawk a ni.

Akashvani Aizawl zawhna chhangin, National Ayush Mission PMU Consultant Dr H Malsawmtluangichuan IDY pual hian Mizoram chuan Hari Yoga leh Yoga Sangam an kalpui a, Hari Yoga hnuaiah hian thingphun kalpui niin, Directorate of AYUSH-in Keifang a khum 10 awm theihna tur damdawi in an sak mekah thing 85 vel an phun a, Thenzawla Integrated Ayush Hospital-ah thing 50 phun a ni a, naktukah AYUSH hnuaia establishment hrang hrangin thing an phun dawn bawk a ni. June ni 21-ah International Day of Yoga puala hun hmanna pui ber, Yoga Sangam chu RG Stadium, Mualpuiah a hman a ni dawn bawk tih a sawi a ni.

Dr H Malsawmtluangi chuan District Hospital tina AYUSH Department-ah Yoga instructor an awm vek a, Doctor ten dam lo zingah an natna atana Yoga practice tura an hrilh an awm thin avangin kumtin Mizoramah Yoga practice mi sing 1 chuang an awm thin niin a sawi a ni.

Corr:Maremi

<><><>

PRIME MINISTER AT G-7

Prime Minister Narendra Modi chu nizan khan Canada ram Kananaskis-a G-7 Summit-ah a tel. G-7-in energy security, technology, infrastructure leh investment hmalam hun chungchanga sawihonaah a tel a ni. Prime Minister-in G-7 Summit-a a zawna a tel wawi rukna tur a ni.

G-7 ah ram hruaitute, ram sawm dangte leh International Organization hruaitute nen an thu ho a. Summit bakah hian bilateral meeting engemawzat neih a ni bawk.

G-7 meeting hi khawvel ram hrang hrang buai laia neih a ni a, Iran leh Israel inkarah buaina nasa tak a thleng mek a, Russia leh Ukraine pawh an inbei mek bawk. Pahalgam-a firfiakte beihna leh Operation Sindoor hnuaah Prime Minister Narendra Modi G-7 a atel hi a pawimawh a. G-7 meeting neih chhung hian Prime Minister Modi hian khawvel ram hruaitute nen pawimawh tam tak an sawiho dawn bakah Canada ram nen insumdawn tawna chungchang ah inbiakna neih a ni dawn bawk a ni.

<><><>

ISRAEL AND IRAN

Iran leh Israel-te chu ni nga an inbei tawh a, flashpoint area-a civil mite tawrhna a nasa hle a ni. Tel Aviv leh Jerusalem-ah te insai ri hriat tur a awm a, Israel sipaite chuan Iran-in missile a kapchhuak niin an sawi a, indo laia Iran chief of staff leh Supreme Leader Ayatollah Ali Khamenei-a puitu, Ali Shadmani chu an hneh tawh niin an sawi bawk. Israel-te beihpui thlakna chhanletna atan Iran hian missile tum hnih a kapchhuak a, zing lamah Israel khawthlang lam leh hmarchhak hmun thenkhatah air raid alert a tichhuak a, ram pahnihte hian indo hi an chawlhsan lo ni a hriat a ni.

US President Donald Trump chuan Iran leh Israel ram pahnihte buaina hi tihtawp thuai ni se a duh thu a sawi a ni.

News On Air

<><><>